

**«ԲԱՐՁՐԱՎՈՒՏ ԷԼԵԿՏՐԱՑԱՆՑԵՐ» ՓԱԿ ԲԱԺՆԵՏԻՐԿԱՆ ԸՆԿԵՐՈՒԹՅԱՆ ԿԱՐԻՔՆԵՐԻ
ՀԱՄԱՐ ՇԵՆՔԵՐԻ ՄԱՔՐՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆԱԳԻՐ
N ԲԷՑ-ԳՀԾԶԲ-22/01**

ք. Երևան

«27» 12 2021թ.

«Բարձրավոլտ էլեկտրացանցեր» փակ բաժնետիրական ընկերությունը, ի դեմս գլխավոր տնօրեն Հայկ Հարությունյանի, որը գործում է ընկերության կանոնադրության հիման վրա (այսուհետ՝ Պատվիրատու), մի կողմից, և «Սավ-Վաս» սահմանափակ պատասխանատվությամբ ընկերությունը, ի դեմս տնօրեն Սերգեյ Թամազյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1 Պատվիրատուն հանձնարարում է, իսկ Կատարողը ստանձնում է շենքերի մաքրման ծառայությունների մատուցման պարտավորությունը (այսուհետ՝ Ծառայություն)՝ համաձայն սույն պայմանագրի (այսուհետ՝ Պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է Պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է Պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը Պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու Պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել Պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու Պայմանագրի 5.2 կետով նախատեսված տուգանքը.

2.1.3 Միակողմանի լուծել Պայմանագիրը, եթե Կատարողն էականորեն խախտել է Պայմանագիրը: Կատարողի կողմից Պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում Պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև Պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից Պայմանագրի 4.2 կետում նշված ժամկետի խախտման դեպքում նաև Պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել Պայմանագրի 5.2 և 5.3 կետերով նախատեսված տուգանքը և տույժը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված Ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև Պայմանագրով Ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ Ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ Էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է Էլեկտրոնային ստորագրությամբ՝ լրացնելով միայն այն պոնակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված Ծառայությունը համապատասխանում է Պայմանագրի պայմաններին, Պատվիրատուն Պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և Էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված Ծառայությունը կամ դրա մի մասը չի համապատասխանում Պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և Պայմանագրի 3.2 կետում նշված ժամկետում Էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար Պայմանագրով նախատեսված միջոցները և Կատարողի նկատմամբ կիրառում է Պայմանագրով նախատեսված պատասխանատվության միջոցներ:

3.4 Եթե Պայմանագրի 3.2 կետով սահմանված ժամկետում Պատվիրատուն չի ընդունում մատուցված Ծառայությունը կամ չի մերժում դրա ընդունումը, ապա մատուցված Ծառայությունը համարվում է ընդունված և Պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն Էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1 Սույն Պայմանագրով Կատարողի մատուցման ենթակա ծառայության գինը կազմում է 17580000 (տասնյոթ միլիոն հինգ հարյուր ութսուն հազար) ՀՀ դրամ՝ ներառյալ ԱԱՀ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած Ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձման-ընդունման արձանագրության հաստատման օրվանից հաշված 30 օրացուցային օրվա ընթացքում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆ

5.1 Կատարողը պատասխանատվություն է կրում Ծառայության մատուցման՝ Պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ Պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև Ծառայությունը սույն Պայմանագրով սահմանված ժամկետում մատուցելու, սակայն պատվիրատուի կողմից այն չընդունվելու դեպքում:

5.3 Պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից Պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՎՈՐՈՒՄԱՆ ԱՎՈՐՈՒՄՆԵՐԻ ՈՒԺԻ ԱՉԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն Պայմանագրով և սույն Պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի Պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ Պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով

հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև Պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու Պայմանագիրը, եթե արձանագրված խախտումները մինչև Պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային Պայմանագիրը չկնքելու համար: Ընդ որում, Պատվիրատուն չի կրում Պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով Պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա Պայմանագրի անբաժանելի մասը:

Արգելվում է Պայմանագրում և (կամ) այդ Պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ Պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ Պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև Պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել Ծառայության օգտագործման պահանջը, իսկ Կատարողի առաջարկությունը ներկայացվել է ոչ ուշ, քան Պայմանագրով ի սկզբանե Ծառայությունների մատուցման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան Պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով Ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, Պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի

Հանրապետության օրենսդրությամբ սահմանված կարգով Ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, Պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Սույն Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն Պայմանագիրը կազմված է ___ էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն Պայմանագրի N 1, N 1.1, N 3 և N 3.1 հավելվածները հանդիսանում են Պայմանագրի անբաժանելի մասը, յուրաքանչյուր կողմին տրվում է Պայմանագրի մեկ օրինակ:

7.12 Սույն Պայմանագրի նկատմամբ կիրառվում է Հայաստանի Հանրապետության իրավունքը:

7.13 Պայմանագրով նախատեսված Ծառայությունների մատուցումն իրականացվում է այդ նպատակով ֆինանսական միջոցների առկայության և դրա հիման վրա Կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ նպատակով Պայմանագրի կատարման համար ֆինանսական միջոցներ չեն նախատեսվում: Ընդ որում, Կատարողը համաձայնագիրը կնքում և Պատվիրատուին ներկայացնում է համաձայնագիր կնքելու ծանուցումը ստանալու օրվանից տասնհինգ աշխատանքային օրվա ընթացքում: Հակառակ դեպքում Պայմանագիրը Պատվիրատուի կողմից միակողմանիորեն լուծվում է:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

«Բարձրավոլտ էլեկտրագանցեր» ՓԲԸ
Հասցե՝ ք. Երևան, Չ. Անդրանիկի 1
«Հայքիզնեսբանկ» ՓԲԸ, Մալաթիա մ/ճ
Հ/Հ 1150001172630300
ՀՎՀՀ 01522459

Գլխավոր տնօրեն՝

Ս. Հարությունյան

/ստորագրություն/


Կ Ա Տ Ա Ր Ո Ղ

«Սավ-Վաս» ՍՊԸ
Հասցե՝ ք. Երևան, Արաբկիր 17 փ., 27 շ., 10 բն.
“Ակբա-Կրեդիտ Ազրիկոլ բանկ” ՓԲԸ
Հ/հ 220310120898000
ՀՎՀՀ՝ 00089023

Տնօրեն՝

Ս. Թամազյան

/ստորագրություն/



ՏԵԽՆԻԿԱԿԱՆ ԲՆՈՒԹՎԱԳԻՐ - ԳԱՍՄԱՆ ԺԱՄԱՆԱԿԱՑՈՒՄ

ՀՀ դրամ

		Ծառայության				մատուցման	
Կրթական կարգի և մակարդակի նկարագրի համարը	Գործարարի անվանումը	Անվանումը	Վերականգնողական արժեք / ՀՀ դրամ	Վերականգնողական արժեք / ՀՀ դրամ	Կատարման ժամկետը	Կատարման ժամկետը	
1	90911110/502	<p>անվանումը</p> <p>Շենքերի մաքրման ծառայություններ</p>	դրամ	17 580 000	1	<p>հասցեն</p> <p>Ք. Երևան Զորավար Մնդրանիկի 1</p> <p>Ք. Երևան Տիգրանյի 207</p> <p>Ք. Երևան Դավիթբաշեն 4-րդ թաղ. Եղևարի խճուղի 22/3</p> <p>Ք. Երևան Ռաֆֆու 111/7</p> <p>Ք. Երևան Լոր ֆուրք 9-րդ միկրոշրջան</p>	<p>Ծառայությունների մատուցումը կիրականացվի ֆինանսական միջոցներ նախատեսվելու դեպքում կնքվելիք լրացուցիչ համաձայնագրի հիման վրա</p> <p>համաձայնագիրն ուժի մեջ մտնելու օրվանից սկսել 2022թ. դեկտեմբերի 31-ը:</p>
		<p>տեխնիկական բնութագիրը</p> <p>Կատարողը պարտավոր է «Բարձրակուտ Էլեկտրացանցեր» փակ բաժնետիրական ընկերության (այսուհետ՝ ԸՆԿերություն) կողմից զբաղեցվող տարածքներում՝</p> <p>1. Կարգական շենք՝ 2484քմ (ընդհանուր տարածքը՝ 2,0919հա), 3 հարկ, աշխատանքակալ 71 հատ, սանհանգույց 8 հատ, ընդհանուր օգտագործման տարածք (միջանցք՝ ընդհանուրը՝ 175 մետր երկարությամբ), պահեստային տարածք 2 հատ (40մ² և 60մ²), պահակակետ 2 հատ, խոհանոց 2 հատ, նիստերի դահլիճ 1 հատ, ծխարան 1 հատ, աստիճանավանդակ և այլն (հասցեն՝ ք.Երևան Զորավար Մնդրանիկի 1):</p> <p>2. Կարգական շենք (նոր մասնաշենք)՝ 864քմ, 1 հարկ, աշխատանքակալ 34 հատ, սանհանգույցներ 8 հատ, ընդհանուր օգտագործման տարածք (միջանցք)՝ 4 հատ ընդհանուրը՝ 182 մետր երկարությամբ, հասցեն՝ ք.Երևան Զորավար Մնդրանիկի 1:</p> <p>3. Ծառայության նբթակայան (հասցեն՝ ք. Երևան Տիգրանյի 207) շինության տարածքը՝ 491,4քմ, ընդհանուր տարածքը՝ 5,0318հա:</p> <p>4. Մարաշ ենթակայան (հասցեն՝ ք. Երևան Լոր ֆուրք 9-րդ միկրոշրջան) շինության տարածքը՝ 490,2քմ, ընդհանուր տարածքը՝ 3,31132հա:</p> <p>5. Զովունի ենթակայան (հասցեն՝ ք. Երևան Դավիթբաշեն 4-րդ թաղ. Եղևարի խճուղի 22/3) շինության տարածք՝ 384,9քմ, ընդհանուր տարածքը՝ 3,154հա:</p> <p>6. Հարթանակ ենթակայան (հասցեն՝ ք. Երևան Ռաֆֆու 111/7) շինության տարածք՝ 324,5քմ, ընդհանուր տարածքը՝ 2,7559հա:</p> <p>Իրականացնել մաքրման հետևյալ ծառայությունները</p>	դրամ				

ա) Անօրյա մաքրման ծառայություններ
 սպասարկման և ընդհանուր պահենքի ապակիների, ապակյա դռների, ներքին ցուցանակների, բռնակների, դռների, պատուհանագրգերի, մանրահատակի, սալիկապատ և լամինատե հատակի մաքրում հաստուկ բարձրորակ նյութերով, ինչպես նաև փոշեկուրով: -գրասենյակային կահույքի և պարագաների, տեխնիկայի արտաքին մաքրում:
 -սանհանգույցների ամենօրյա մաքրում բարձրորակ քիմիական նյութերով /սալիկապատ մակերեսների լվացում և ախտահանում, հայելիների մաքրում, փայլեցում, լվացարանների, գոլգարանակոնքերի և դրանց հարող մակերեսների մաքրում և ախտահանում/՝ համաձայն պատվիրատուի ինտ նախապես համաձայնեցված և հաստատված մաքրման գրաֆիկի
 -Սանհանգույցներում օդը թարմացնող բոլորով սարքերի տեղադրում և սպասարկում
 - աղբամանների դատարկում, մաքրում, տոպրակների տեղադրում և շենքից արմահանության կազմակերպում:
 - գորգերի փոշեգերծում փոշեկուրով
 - արտաքին ցուցանակների մաքրում
Շարաքական մաքրման աշխատանքներ
 -Բակային տարածքների մաքրում, առանձին դեպքերում (քամի, անձրև և այլն), տարածքները պետք է մաքրվի ավելի հաճախակի՝ որպեսզի մշտապես ապահովված կին տարածքի պատշաճ մաքրությունը:
Անուսական կատարվող աշխատանքներ
 -ջահերի, լոյսերի, օդափչների, տեղեկատվական վահանակների մաքրում:
Կիսամյակային աշխատանքներ
 - Գորգերի, շերտավարագույրների, վարագույրների, դրոշների լվացում, քիմ. մաքրում և արդուկում (առաջին անգամը՝ պայմանագիրն ուժի մեջ մտնելու օրվանից հաշված 10 աշխատանքային օրվա ընթացքում)
 -Պայմանագրի գործողության ժամկետի ընթացքում մեկ անգամ՝ պատվիրատուի կողմից ներկայացվող գրավոր հայտի հիման վրա հնգօրյա ժամկետում, վարչական շենքի ճակատային մասերի լվացում:
 Բոլոր պատուհանները և դռները (ներսի և դրսի կողմից) պետք է մշտապես կնեն մաքուր վիճակում:
Կատարողը պետք է Ընկերության վարչական շենքի և տարածքային ստորաբաժանումների սանհանգույցներում ապահովի հետևյալ տնտեսական սպրախքների ամենօրյա տեղադրում աշխատողների համար/՝
 Շերտակ օճառ՝ ոչ պակաս 1գ/սմ3 խտությամբ՝ անուշահոտ բույրով

Չուզվածի թուղթ՝ երկշերտ զուգարամի թուղթ «Սոֆիտ» կամ համարժեք
Աղբի տուփակներ աղբամանն երի համար
Չեռքերը չորացնելու համար նախատեսված
դիսպենսերի մեջ տեղադրվող Z-անն թղթե
անձեռոցիկներ:

Կատարողը պետք է մաքրման աշխատանքները
իրականացնի յուրաքանչյուր աշխատանքային օր
մինչև առավոտյան ժամը 08:00, այդ ժամին Տարածքը
պետք է լինի պատշաճ մաքրված վիճակում:
Կատարողը ծառայությունները մատուցելիս չպետք է
խոչընդոտի «Բարձրավոլտ Էլեկտրագանցներ» փակ
բաժնետիրական ընկերության բնական
աշխատանքային գործունեությանը և ենթարկվի
ներքին կարգապահական կանոններին:

Կատարողը յուրաքանչյուր աշխատանքային օր
Ընկերության կարգական շենքում պետք է ապահովի
ներթափանցիկություն՝ առնվազն 1 հոգի, 8 ժամյա
աշխատանքային գրաֆիկով՝ 9:00-18:00
ժամանակահատվածում, իսկ յուրաքանչյուր
տարածքային ստորաբաժանումներում առնվազն 1
հոգի, 4 ժամյա աշխատանքային գրաֆիկով՝ 9:00-13:00
ընկած ժամանակահատվածում ուլբեր կապահովեն
գանկացած պահին տարածքի պատշաճ մաքրված
վիճակը, այդ թվում՝

- Ընկերության վարչական շենքում սանհագույցների
ժամային գրաֆիկով մաքրում յուրաքանչյուր
սանհագույցից աշխատանքային օրվա ընթացքում
առնվազն 4 անգամ
- սանհագույցներում և աստիճանավանդակներում
տեղակայված ծխարաններում կուտակված աղբի
տեղափոխում՝ առնվազն 4 անգամ
- մուտքերի և նախամուտքերի մաքրում առնվազն 4
անգամ (անձրևային և ձյան եղանակներին՝
յուրաքանչյուր կես ժամը մեկ
- մուտքերում ձնոտն ընթացքում մերկաստուգների և
ձյան մաքրում՝ յուրաքանչյուր երեսուն րոպեում մեկ
անգամ

- Միջանցների, ընդհանուր օգտագործման այլ
տարածքների մշտապես մաքուր պահելու նպատակով
անընդհատ մաքրման ծառայությունների մատուցում
այդ տարածքներում,
- դահլիճներում խորիլոկցություններից հետո
սպասքի հավաքում, լվացում և տարածքի մաքրում,
Պահեստային մասի մաքրում առնվազն շաբաթական 1
անգամ

Ապահովել աշխատանքները կորիճագնող
ընկերության ներկայացուցչի շուրջօրյա
հասանելիություն:

Մաքրման ծառայությունների
օգտագործվող նյութերը, մաքրման լաթերը և

					<p>սարքավորումներն ամբողջությամբ պետք է տրամադրվի կատարողի կողմից:</p> <p>Կատարողը պետք է իր աշխատակիցներին ապահովի համապատասխան համագնաց ստով կատարողի տարբերանշանով:</p> <p>Կատարողը պետք է Ընկերության վարչական շենքում և տարածքային ստորաբաժանումներում ծառայությունը մատուցելու համար ունենա անվագն հետևյալ մաքրող սարքավորումները</p> <ol style="list-style-type: none"> 1. ավտոմատ վացող փոշեկու, 2. ավտոմատ պրոֆեսիոնալ փռչեկուներ, նախատեսված համապատասխան տարածքների համար, 3. ավտոմատ հատակ վացող և փայլեցնող սարք (միջին տարածքների համար). <p>ավտոմատ գորգերի չոր մաքրման սարք:</p>
--	--	--	--	--	---

Պ Ա Ս Վ Ի Ր Ա Ս ՈՒ

«Բարձրավորտ Էլեկտրացանցեր» ՓԲԸ
 Հասցե՝ ք. Երևան, Չ. Մնդրանիկի 1
 «Հայբիզնեսբանկ» ՓԲԸ, Մալաթիա մ/ճ
 Հ/Հ 1150001172630300
 ՀՎՀՀ 01522459



Գլխավոր տնօրեն՝
 Գ. Հարությունյան

Կ Ա Տ Ա Ր Ո Ղ

«Սավ-վաս» ՍՊԸ
 Հասցե՝ ք. Երևան, Արաբկիր 17 փ., 27 շ., 10 բն.
 "Ակրա-Կրեդիտ Ազրիկոյ բանկ" ՓԲԸ
 Հ/հ 220310120898000
 ՀՎՀՀ՝ 00089023



Տնօրեն՝
 Ս. Թամազյան

**ԾԱՌԱՅՈՒԹՅԱՆ ՄԱՏՈՒՑՄԱՆ ՄԵԿ ԱՄՍՎԱ ԳԻՆԸ
 ՀԱՏ ՏԱՐԱԾՔՆԵՐԻ**

Զափա- րաժին երի համարն երբ	Ծառայության անվանումը	Ծառայության մեկ ամսվա արժեքը /տառերով և թվերով/
1	2	3
1	Վարչական շենք	684700/վեց հարյուր ութսունչորս հազար յոթ հարյուր/
2	Վարչական շենք (նոր մասնաշենք)	198000/հարյուր իննսունութ հազար/ 147500/հարյուր քառասունյոթ հազար հինգ հարյուր/
3	Շահումյան ենթակայան	147600/հարյուր քառասունյոթ հազար վեց հարյուր/
4	Մարաշ ենթակայան	147600/հարյուր քառասունյոթ հազար վեց հարյուր/
5	Զովունի ենթակայան	147600/հարյուր քառասունյոթ հազար վեց հարյուր/
6	Հաղթանակ ենթակայան	139600/հարյուր երեսունինը հազար վեց հարյուր/

Պ Ա Տ Վ Ի Ր Ա Տ ՈՒ

«Բարձրավոլտ էլեկտրացանցեր» ՓԲԸ
 Հասցե՝ ք. Երևան, Չ. Անդրանիկի 1
 «Հայքիզնէնթրանկ» ՓԲԸ, Մալաթիա մ/ճ
 Հ/Հ 1150001172630300
 ՀՎՀՀ 01522459

Գլխավոր տնօրեն՝

..... Հ. Հարությունյան

/ստորագրություն/

Կ.Տ



Կ Ա Տ Ա Ր Ո Ղ

«Սավ-Վաս» ՍՊԸ
 Հասցե՝ ք. Երևան, Արաբկիր 17 փ., 27 շ., 10 բն.
 «Ակրա-Կրեդիտ Ազրիկոլ բանկ» ՓԲԸ
 Հ/հ 220310120898000
 ՀՎՀՀ՝ 00089023

Տնօրեն՝

..... Ս. Բամազյան

/ստորագրություն/



Հավելված 3
 «24» 12 2021 թ. կնքված
 «ԲԷԵ-ԳՇՁԲ-22/01» ծածկագրով Պայմանագրի

Պայմանագրի կողմ

 գտնվելու վայրը _____
 հհ _____
 հվհհ _____

Պատվիրատու

 գտնվելու վայրը _____
 հհ _____
 հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով Պայմանագրի կատարման վերաբերյալ « » « » 20 թ. դուրս գրված N _____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ Ծառայությունները՝

Մատուցված Ծառայությունների								
N	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ Պայմանագրով հաստատված գնման ժամանակացույցի	փաստացի	ըստ Պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

_____ ստորագրություն
 _____ ազգանուն, անուն
 Կ.Տ.

Ծառայությունն ընդունեց

_____ ստորագրություն
 _____ ազգանուն, անուն
 Կ.Տ.

ԱԿՏ N

Պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
Պայմանագրի կնքման ամսաթիվը Պայմանագրի համարը

զման Պայմանագրի շրջանակներում Կատարողը 20 թ. _____-ին հանձնման-ընդունման
 նպատակով Պատվիրատուին հանձնեց ստորև նշված Ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

Ընդունեց

հայտը նախագծած ներկայացուցիչ՝

 ազգանուն, անուն

 ստորագրություն

 ազգանուն, անուն

 ստորագրություն